

, ris; sed in perfectione vita, & sinceritate (9) conscientiae: & virginitas fœcunditati præfertur, & sa-  
,, cerdotibus continentia indicatur."

*De virginitate mentis, & carnis.*

**M**ELIOR est autem virginitas mentis quam carnis. Unde Ambrosius Lib. II. de virginibus in medio., Tole-  
,, rabilius est mentem virginem quam carnem habere. Utrumque bonum est, si fieri. (10) Si non  
,, licet, saltem non casti homini, sed deo simus.... (11) Virgo prostitui potest, adulterari non potest:  
,, nec lupanaria infamant castitatem, sed castitas etiam loci abolet infamiam., Idem: (12) „Non potest  
,, caro ante corrupti, nisi mens ante fuerit corrupta.“ Item Isidorum Lib. II. Synonymorum., Non potest  
,, corpus corrupti, nisi prius animus corruptus fuerit. Munda enim à corruptione anima, caro non pec-  
,, cat.“ In fine hujus capituli aperitur, quomodo verum sit, nisi anima prius fuerit corrupta, corpus non  
,, posse corrupti, scilicet peccato. Illu etiam Augustini (de bono conjug. cap. xvi.) advenit dñm est.  
„Sicut, inquit, satius est mori fame, quam idolothys vesci; ita satius est defungi sine liberis quam ex  
,, illicito coitu stirpem querere. Undecimque vero nascantur homines, si parentum vita non sectentur,  
,, & Deum recte colant, honesti, & salvi erunt. Semen enim ex qualicunque homine Dei creatura est,  
,, & eo male utenti male erit, non ipsum aliquando malum est.“

### DIVISIO TEXTUS.

### ARTICULUS I.

*Utrum habere plures uxores sit contra legem naturæ.*

*III. cont. Gent. cap. cxxiv.*

Postquam determinavit Magister de bonis matrimonii, hic ostendit quomodo haec bona erant in matrimonio antiquorum: & dividitur in partes duas.

In prima ostendit quomodo erant matrimonio patrum ante legem: in secunda quomodo erant in matrimonio tempore legis celebrato, ibi: *Legis vero tempore interdixit Moyses carnalem copulam fieri cum matre &c.* Prima in duas. In prima ostendit quod ante legem patres liceat plures uxores habuerunt. In secunda inquirit quomodo cum pluralitate uxorum bonum fidei servatur, ibi: *Si quis opponat quod fidem thori non servabant illi patres, dicimus &c.* Circa primum tria facit. Primo mover quæstionem. Secundo determinat eam, ibi: *Ad quod dicimus &c.* Tertio solutionem per auctoritatem confirmat, ibi: *De hoc Augustinus sic ait &c.* & circa hoc duo facit. Primo inducit auctoritatem ad principale propositum probandum, quod scilicet illorum essent conjugia licita qui plures habebant uxores. Secundo ostendit quod etiam erant tanti meriti sicut est virginitas nostri temporis, ibi: *Quod vero castitas virginalis non præferatur in merito conjugali castitati Abraha, Augustinus ostendit.*

*Legis vero tempore interdixit Moyses carnalem copulam fieri cum matre, cum novera &c.* Hic determinat de matrimonio tempore legis celebrato, & circa hoc tria facit. Primo ostendit quomodo per legem Moyssi matrimonium fuit determinatum & quantum ad legiūmarum personarum determinationem, & quantum ad separationem. Secundo inquirit, utrum tempore legis liceret plures habere uxores, ibi: *Sed numquid sub lege licet habere plures uxores?* Tertio ex consequenti de virginitate determinat, ibi: *Melior est autem virginitas mentis quam carnis.*

### QUÆSTIO I.

**H**IC est triplex quæstio. Prima de pluralitate uxorum. Secunda de libello repudii. Tertia de virginitate.

Circa primum queruntur tria.

Primo. An habere plures uxores sit contra legem naturæ.

Secundo. Utrum fuerit licitum.

Tertio. Utrum habere concubinam sit contra legem naturæ.

(9) *Al. scientiae.* (10) *Al. Si enim.* (11) *Nicola: & inferius.* (12) *Nicola: ad virginem lapsam cap. xv.*

tradat: quia non posset simul utique reddere debitum, si simul petierit.

8. Præterea. De lege naturæ est, quod tibi non vis fieri, ne alteri feceris. Sed vir nullo modo velleret quod uxor alium virum haberet. Ergo contra legem naturæ faceret, si uxorem aliam superinduceret.

9. Præterea. Quidquid est contra naturæ desiderium, est contra legem naturæ. Sed zelus viriad uxorem, & uxor ad virum naturalis est: quia in omnibus invenitur. Cum ergo zelus sit amor non patiens consortium in amato, videtur quod contra legem naturæ sit, quod plures uxores habeant unum virum.

### SOLUTIO.

Respondeo dicendum, quod omnibus rebus naturaliter insunt quædam principia quibus non solam operationes proprias efficiere possunt, sed quibus etiam eas convenientes fini suo reddant, sive sint actiones quæ consequantur rem aliquam ex natura sui generis, sive consequantur ex natura speciei, ut magneti competit ferri deorsum ex natura sui generis, & attrahere ferrum ex natura speciei. Sicut autem in rebus agentibus ex necessitate naturæ sunt principia actionum ipsæ formæ, à quibus operaciones propriæ prodeunt convenientes fini; ita in his quæ cognitionem participant, principia agendi sunt cognitio, & appetitus: unde oportet quod in vi cognoscitiva sit naturalis conceptio, & in vi appetitiva naturalis inclinatio, quibus operatio convenientis generis speciei redditur competens fini. Sed quia homo inter cetera animalia rationem finis cognoscit, & proportionem operis ad finem; ideo naturalis conceptio ei indita, qua dirigitur ad operandum convenienter, lex naturalis, vel jus naturale dicitur; in ceteris autem estimatio naturalis vocatur. Bruta enim ex vi naturæ impelluntur ad operandum convenienter actiones magis quam regulentur quasi proprio arbitrio agentia. Lex ergo naturalis nihil est aliud quam conceptio homini naturaliter indita, qua dirigitur ad convenienter agendum in actionibus propriis, sive competant ei ex natura generis, ut generare, comedere, & hujusmodi; sive ex natura speciei, ut ratiocinari, & similia. Omne autem illud quod actionem inconvenientem reddit fini quem natura ex opere aliquo intendit, contra legem naturæ esse dicitur. Potest autem actio non esse convenientis fini vel principali, vel secundario; & sive sic, sive sic, hoc contingit duplice. Uno modo ex aliquo quod omnino impedit finem, ut nimia superfluitas, aut defectus comestionis impedit salutem corporis quasi principalem finem comestionis; & bonam habitudinem in negotiis exercendis, quæ est finis secundarius. Alio modo ex aliquo quod facit difficultem, aut minus decentem perventionem ad finem principalem, vel secundarium, sicut inordinata comestio quantum ad tempus indebitum. Si ergo actio sit inconvenientis fini, quasi omnino prohibens finem principalem, directe per legem naturæ prohibetur primis præceptis legis naturæ, quæ sunt in operabilibus, sicut sunt communis conceptiones in speculatoriis. Si autem sit inconvenientis fini secundario quocumque modo, aut etiā principali, ut faciens difficultem, vel minus congruam perventionem ad ipsum; prohibetur non quidem primis præceptis legis naturæ, sed secundis, quæ ex primis derivantur, sicut conclusiones in spe-

culativis ex principiis per se notis fidem habent: & sic dicta actio contra legem naturæ esse dicitur. Matrimonium ergo habet pro fine principaliter procreationem, & educationem: qui quidem finis competit homini secundum natura generis: unde & animalibus est communis, ut dicitur in VIII. Ethicor. cap. xi. vel xiv. & sic bonum matrimonii assignatur proles. Sed pro fine secundario, ut dicit Philosophus, habet in nominibus solum communicationem operum quæ sunt necessaria in vita, ut supra dictum est; & secundum hoc fidem sibi invicem debent, quæ est unum de bonis matrimonii. Habet ulterius alium finem, in quantum in fidelibus est, scilicet significacionem Christi & Ecclesie; & sic bonum matrimonii dicitur sacramentum. Unde primus finis respondet matrimonio hominis, in quantum est animal; secundus, in quantum est homo; tertius, in quantum est fidelis. Pluralitas ergo uxorum neque totaliter tollit, neque aliqualiter impedit primum finem, cum unus vir sufficiat pluribus uxoris fœcundandis, & educandis filiis ex eius natu; sed secundum finem eius non totaliter tollat, tamen multum impedit, eo quod non facile potest esse pax in familia, ubi uni viro plures uxores junguntur, cum non possit unus vir sufficere ad satisfaciendum pluribus uxoris ad votum: & quia communicatio plurium in uno officio causat item, sicut figuli corrixantur ad invicem, & similiter plures uxores unius viri. Tertium autem finem totaliter tollit, eo quod sicut Christus est unus, ita Ecclesia una: & ideo patet ex dictis quod pluralitas uxorum quodammodo est contra legem naturæ, & quodammodo non.

Ad primum ergo dicendum, quod consuetudo non præjudicat legi naturæ quantum ad prima præcepta ipsius, quæ sunt quasi communes animi conceptions in speculatoriis; sed ea quæ ex istis trahuntur ut conclusiones, consuetudo auget, ut Tullius dicit II. Rethoricorum; & similiter minuit: & hujusmodi est præceptum legis naturæ de unitate uxoris.

Ad secundum dicendum, quod, sicut dicit Tullius, res à natura perfectas, & à consuetudine approbatas legum virtus, & religio sanxit. Unde patet quod illa quæ lex naturalis dicitur, quasi ex primis principiis legis naturæ derivata, non habent vim coactivam per modum præcepti absolute, nisi postquam lege divina, & humana sancta sunt: & hoc est quod dicit Augustinus quod non faciebat contra præceptum, quia nulla lege erat prohibitum.

Ad tertium patet solutio ex dictis.

Ad quartum dicendum, quod jus naturale multipliciter accipitur. Primo enim jus aliquod dicitur naturale ex principio, quia à natura est inditum; & sic diffinit Tullius in II. Rethoricorum, dicens: *Jus naturæ est quod non opinio genuit, sed quedam innata vis inseruit.* Et quia etiam in rebus naturalibus dicuntur aliqui motus naturales, non quia sunt ex principio intrinseco, sed quia sunt à principio superiori movente, sicut motus qui sunt in elementis ex impressione corporum coelestium, naturales dicuntur, ut Commentator dicit in III. celi, & mundi, com. xx. ideo ea quæ sunt de jure divino, dicuntur esse de jure naturali, cum sint ex impressione, & infusione superioris principi, scilicet Dei; & sic accipitur ab Isidoro (a) Lib. V. Etymol. cap. iv. & habetur in princ. Decreti, qui dicit quod jus naturale est quod in lege, & in Evangelio continetur. Tercio dicitur jus naturale non solum à principio, sed à natura, quia de-

Ex Edir. P. NICOLAI. (a) Nihil tale apud Isidorum... Sed ab initio Decreti non ut ex Isidoro, sed ex Gratiano præmittitur quod hic ex Isidoro citat.

## DISTINCTIO XXXIII.

naturalibus est. Et quia natura contra rationem dividitur, à qua homo est homo, ideo strictissimo modo accipiendo ius naturale, illa quæ ad homines tantum pertinent, et si sine dictamine rationis naturalis, non dicuntur esse de jure naturali; sed illa tantum quæ naturalis ratio dicitur de his quæ sunt homini, aliisque communia: & sic datur dicta diffinitio, scilicet: *Ius naturale est quod natura omnia animalia docuit.* Pluralitas ergo uxorum quamvis non sit contra ius naturale tertio modo acceptum, est tamen contra ius naturale secundo modo acceptum, quia iure divino prohibetur; & etiam contra ius naturale primo modo acceptum, ut ex dictis patet, quod natura dicit animali cuilibet secundum modum convenientem suæ speciei: unde etiam quædam animalia, in quibus ad educationem prolis (1) requiritur sollicitudo utriusque, scilicet maris, & foeminae, naturali insinuante servant conjunctionem unius ad unum, sicut patet in turte, & columba, & hujusmodi.

Ad (2) quintum patet solutio ex dictis.

Sed quia rationes in contrarium adductæ videntur ostendere quod pluralitas uxorum sit contra prima principia legis naturæ; ideo ad eas est respondentium.

Et dicendum ad sextum, quod natura humana absque omni defectu instituta est: & ideo non solum sunt ei indita illa sine quibus principals matrimonii finis esse non potest, sed etiam illa sine quibus secundarius finis matrimonii sine difficultate haberri non posset: & hoc modo sufficit homini in ipsa sui institutione habere unam uxorem, ut dictum est.

Ad septimum dicendum, quod vir per matrimonium non dat sui corporis potestatem uxori quantum ad omnia, sed solum quantum ad illa quæ matrimonium requirit. Non autem requirit matrimonium ut quolibet tempore uxori petenti vir debitum reddat, nisi quantum ad id ad quod principaliter est institutum, scilicet bonum prolis, & quantum sufficit ad imprægnationem. Requirit autem hoc matrimonium, inquit, ad remedium institutum, quod est secundarius ipsius finis, ut quolibet tempore petenti debitum reddatur: & sic patet quod accipiens plures uxores non se obligat ad impossibile, considerato principali fine matrimonii: & ideo pluralitas uxorum non est contra præcepta prima legis naturæ.

Ad octavum dicendum, quod illud præceptum legis naturæ: *Quod tibi non vis fieri, alteri ne feceris,* debet intelligi eadem proportione servata. Non enim si prælatus non vult sibi resisti à subdito, ipse subdito resistere non debet: & ideo non oportet ex vi illius præcepti, quod, si vir non vult quod uxor sua non habeat alium virum, ipse non habeat aliam uxorem: quia unum virum habere plures uxores non est contra prima præcepta legis naturæ, ut dictum est; sed unam uxorem habere plures viros est contra prima præcepta legis naturæ, eo quod per hoc quantum ad aliquid totaliter tollitur, & quantum ad aliquid impeditur bonum prolis, quod est principals matrimonii finis. In bono enim prolis intelligitur non solum procreatio, sed etiam educatio, ut supra dictum est. Ipsa enim procreatio prolis, eti non totaliter tollatur, quia contingit post imprægnationem primam iterum mulierem imprægnari, ut dicitur in VII. de animalibus, cap. IV. tamen multum impeditur: quia vix potest accidere quin corruptio accidentat quantum ad utrumque foenum, vel quantum ad alterum.

Præterea. Hoc idem videtur exemplo ex sanctis pa-

Sed educatio totaliter tollitur, quia ex hoc quod una mulier plures maritos haberet, sequetur incertitudo prolis respectu patris, cuius cura necessaria est in educando: & ideo nulla lege, aut consuetudine est permisum unam uxorem habere plures viros, sicut è converso.

Ad nonum dicendum, quod naturalis inclinatio in appetitu sequitur naturalem conceptionem in cognitione: & quia non est ita contra conceptionem naturalem quod vir habeat plures uxores, sicut quod uxor habeat plures viros; ideo effectus uxoris non tantum refutat consortium in viro, sicut è converso: & ideo tam in hominibus, quam in animalibus invenitur majus zelus maris ad foeminae, quam è converso.

## ARTICULUS II.

*Utrum habere plures uxores potuerit aliquando esse licitum.*

1. Ad secundum sic proceditur. Videlur quod habere plures uxores non potuerit aliquando esse licitum. Quia secundum Philosophum in V. Ethic. cap. x. vel XI. ius naturale semper, & ubique habet eamdem potentiam. Sed iure naturali prohibetur pluralitas uxorum, ut ex dictis patet. Ergo si quæ modo non licet, ita neque unquam licuit.

2. Præterea. Si aliquando licuit, hoc non fuit nisi quia vel per se licitum erat, vel propter aliquam dispensationem licebat. Si primo modo, sic etiam nunc licitum esset. Si autem secundo modo, hoc esse non potest: quia secundum Augustinum, Lib. XXVI. contra Faustum cap. IIII. Deus, cum sit naturæ conditor, non facit aliquid contra rationes quas naturæ inseruit. Cum ergo Deus naturæ inseruerit, quod sit una unius, ut dictum est art. præced. videtur quod ipse contra hoc numquam dispensaverit.

3. Præterea. Si aliquid est licitum ex dispensatione, hoc non licet nisi illis quibus dispensatio fit. Non autem legitur aliqua dispensatio communis in lege cum omnibus facta. Cum ergo omnes communiter qui volebant, plures uxores acciperent in veteri testamento, ne ex hoc reprehendebantur in lege, aut a Prophetis; videtur quod non fuerit ex dispensatione licitum.

4. Præterea. Ubi est eadem causa dispensationis, debet eadem dispensatio fieri. Sed causa dispensationis non potest alia ponи quam multiplicatio prolis ad cultum Dei, quæ etiam nunc necessaria est. Ergo etiam adhuc dicta dispensatio duraret, præcipue cum non legatur revocata.

5. Præterea. In dispensatione non debet prætermitti majoris bonum propter minus bonum. Sed fides, & sacramentum, quæ non videntur posse servari in matrimonio quo unus pluribus uxoribus conjugantur, sunt meliora quam prolis multiplicatio. Ergo intuitu hujus multiplicationis dispensatio predicta fieri non debuit.

Sed contra. Galat. IIII. dicitur, quod lex propter prevaricatores positiva est, ut scilicet eos prohiberet. Sed lex vetus facit mentionem de pluralitate uxorum sine aliqua ejus prohibitione, ut patet Deuter. XXI. 15. *Si habuerit homo duas uxores.* &c. Ergo habendo duas uxores non erant prevaricatores; & ita erat licitum.

Præterea. Hoc idem videtur exemplo ex sanctis pa-

(1) Al. sequitur. (2) Hæc addimus ex Suppl. q. LXXV. art. I. & pro eo quod erat ad quintum, ad sextum reponimus, & sic deinceps, ut objectionibus solutiones respondeant.

## QUESTIO I.

tribus, qui plures leguntur habuisse uxores, cum Deo essent acceptissimi, sicut Jacob, David, & quamplures alii. Ergo aliquando fuit licitum.

## SOLUTIO.

Respondeo dicendum, quod, sicut ex prædictis patet, pluritas uxorum dicitur esse contra legem naturæ, non quantum ad prima præcepta ejus, sed quantum ad secunda, quæ quasi conclusiones à primis præceptis derivantur. Sed quia actus humanos variari oportet secundum diversas conditiones personarum, & temporum, & aliarum circumstantiarum; ideo conclusiones prædictæ à primis legis naturæ præceptis non procedunt ut semper efficaciam habentes, sed in majori parte. Talis enim est tota materia inaturalis, ut patet per Philosophum in Libris Ethicorum: & ideo ubi eorum efficacia deficit, licet ea prætermitti possant. Sed quia non est facile determinare hujusmodi varietates, ideo illi ex cuius auctoritate lex efficaciam habet, reservatur, ut licentiam præbeat legem prætermitti in illis casibus ad quos legis efficacia se non extendere debet; & talis licentia dispensatio dicitur. Lex autem de unitate uxoris non est humanitus, sed divinitus instituta, nec umquam verbo, aut litteris tradita, sed cordi impressa, sicut & alia quæ ad legem naturæ qualitercumque pertinent: & ideo in hoc à solo Deo dispensatio fieri potuit per inspirationem internam, quæ quidem principaliter sanctis patribus facta est, & per eorum exemplum ad alios derivata est eo tempore quo oportebat prædictum naturæ præceptum prætermitti, ut major esset multiplicatio prolis ad cultum Dei educandæ. Semper enim principalioris finis magis conservandus est quam secundarius. Unde cum bonum prolis sit principalis matrimonii finis, ubi prolis multiplicatio necessaria erat, debuit negligi ad tempus impedimentum, quod posset in secundariis finibus evenire; ad quod removendū præceptum prohibens pluralitatem uxorum ordinatur, ut ex dictis patet.

Ad primum ergo dicendum, quod ius naturale semper, & ubique, quantum est de se, habet eamdem potentiam; sed per accidens propter aliquod impedimentum quandoque, & alioquin potest variari, sicut ibidem Philosophus exemplum ponit de aliis rebus naturalibus. Semper enim, & ubique dextera est melior quam sinistra secundum naturam; sed per aliquod accidens convenit aliquem esse ambidexterum, quia natura nostra variabilis est: & similiter etiam est de naturali justo, ut ibidem Philosophus dicit.

Ad secundum dicendum, quod in Decretali quædam de divortiis, cap. Gaudemus, dicitur, quod nunquam licuit alicui habere plures uxores sine dispensatione per divinam inspirationem habita. Nec tamen talis dispensatio darur contra rationes quas Deus naturæ inseruit, sed præter eas: quia rationes illæ non sunt ordinatae ad semper, sed in pluribus esse, ut dictum est: sicut etiam non est contra naturam quando aliqua accidunt in rebus naturalibus miraculose præter ea quæ frequenter solent evenire.

Ad tertium dicendum, quod qualis est lex, talis debet esse dispensatio legis: & quia lex naturæ non est litteris scripta, sed cordibus impressa, propter hoc non oportuit dispensationem eorum quæ ad legem naturæ pertinent, lege scripta dari, sed per internam inspirationem fieri.

Ad quartum dicendum, quod veniente Christo

Quicunque uitetur re sua ut vult, nemini facit injuriam. Sed ancilla est res domini. Ergo si dominus ea uitatur ad libitum, non facit injuriam alicui; & ita habere concubinam non est contra legem naturæ.

3. Præterea. Naturalis lex non prohibet quin illud quod datur simpliciter, possit dari ad tempus, & secundum quid. Sed una mulier solita potest dare viro solito in perpetuum sui corporis potestatem, ut utatur ea licite, cum voluerit. Ergo non est contra legem naturæ, si dederit ei potestatem sui corporis ad horam.

4. Præterea. Quicunque uititur re sua ut vult, nemini facit injuriam. Sed ancilla est res domini. Ergo si dominus ea uitatur ad libitum, non facit injuriam alicui; & ita habere concubinam non est contra legem naturæ.

5. Præterea. Quilibet potest dare alteri quod suum est. Sed uxor habet potestatem in corpore viri, ut patet I. Corinth. VII. Ergo si uxor velit, vir poterit alii mulieri conjungi sine peccato.

Sed contra. Secundum omnes leges filii qui de concubinis nascuntur, sunt vituperabiles. Sed hoc non esset, nisi concubitus ex quo oriuntur, esset naturaliter turpis. Ergo habere concubinam est contra legem naturæ.

Præterea. Sicut supra distinct, xxvi. dictum est,